

MERCADOS DE MONFORTE OUTONO 2023

BASES DA CONVOCATORIA PARA A INSCRIPCIÓN, ADMISIÓN E SELECCIÓN DOS/AS PARTICIPANTES NO MERCADO DE OUTONO 2023.

PRIMEIRA: OBJETO DA CONVOCATORIA

As presentes bases teñen como obxecto regular as normas e condicións de participación das persoas físicas, xurídicas e as entidades a que se refire o artigo 35.4 da Lei Xeral tributaria, que soliciten e resulten beneficiarias da participación na edición do **Mercado de Monforte Outono 2023**, organizada polo Concello de Monforte de Lemos, área de Promoción económica.

SEGUNDA: LUGAR, DATA E CARACTERÍSTICAS

- 1.- O mercado de outono 2023 celebrarase os días 4 e 5 de novembro de 2023.
- 2.-Lugar: Praza de Abastos de Monforte de Lemos- Mercados de Monforte.
- 3.- Contactos organización: Axente de desenvolvemento local 982884775/ 698181551
correo electrónico: emprego_pe@concellodemonforte.com
- 4.- A difusión pública para a solicitude dos postos será a través da propia páxina web do concello www.monfortedelemos.es.
- 5.- A organización editará publicidade precisa da feira para a súa difusión e programará actividades complementarias para un maior reclamo de asistentes e participantes.
- 6.- O horario de apertura dos postos será na xornada do sábado 4, de 10:00 a 14:00 e 17:00 a 20:00, o domingo 5 de 11:00 a 14:00. Será obrigatorio manter o posto aberto nas datas e horario de apertura ao público indicadas.
- 7.- Non se permitirá vender ningún produto distinto dos que consten na solicitude. Será responsabilidade do/da vendedor/a a calidade, composición, elaboración e prezo dos artigos de venda.
- 8.- A organización facilitará un posto de venda a cada participante.
- 9.- Ningún posto poderá ser cambiado do lugar asignado pola Organización sen consentimento previo.
- 10.- O Concello de Monforte ten dereito a fotografar, debuxar ou filmar as instalacións así como os servizos e/ou artigos expostos e a utilizar estas reproducións nas súas publicacións, na páxina web do concello e na prensa.
- 11.- Non se permitirá máis música ambiental que a da organización.
- 12.- O incumprimento de calquera dos puntos destas bases por parte dos participantes suporá a expulsión inmediata do Mercado e a perda do importe ingresado polo infractor en concepto de taxas.
- 13.- Se por circunstancias de forza maior, o Concello de Monforte se vira obrigado tanto antes como no transcurso da Mostra, a suspender a súa celebración, a suspensión será sen dereito por parte dos/as expositores/as admitidos/as a indemnización de ningún tipo.

TERCEIRA: PARTICIPANTES E CONDICIÓN DE PARTICIPACIÓN

14.- Poderán presentar solicitude de participación no Mercado de Outono os profesionais legalmente constituídos que acrediten o desenvolvemento dunha actividade económica relacionada co sector alimentario e a súa transformación. Estarán dispoñibles para os efectos desta convocatoria e exclusivamente no período temporal determinado para o mercado 16 *stands* entre 2-6 m aproximadamente.

15.-Correrán a cargo dos vendedores/-as os gastos de traslado, carga e descarga da mercadoría así como a responsabilidade dela e os danos que esta puidese sufrir.

16.- Os vendedores deberán cumprir coas normas autonómicas e estatais que lles sexan de aplicación.

17.- A descarga da mercadoría para repoñer deberá ser fóra do horario de apertura do mercado e interferindo o menos posible no desenvolvemento deste.

18.- O prezo de cada posto de venda será de 6 €/stand/día. Dito importe deberá ser aboado mediante documento de autoliquidación que deberá ser aboado unha vez sexan admitidos/as.

Dito documento será facilitado nas propias dependencias do Concello ou ben será remitido por correo ou correo electrónico a petición do interesado.

CUARTA: PRESENTACIÓN DE SOLICITUDES:

19.- Os interesados en participar deberán presentar o modelo normalizado de solicitude que se achega como Anexo I no Rexistro Xeral do Concello de Monforte, Campo Santo Antonio, S/N – 27400 Monforte. Non se admitirán solicitudes presentadas fóra de prazo ou realizadas de forma diferente á designada.

20.- O prazo de presentación de solicitudes será dende o día seguinte ao da publicación das bases na páxina web do concello e rematará o día 25 de outubro de 2023.

As solicitudes irán acompañadas da seguinte documentación:

- Modelo de solicitude, debidamente cumprimentada (Documento anexo)
- Fotocopia do DNI do solicitante ou NIF da empresa
- Fotocopia de estar dado de alta no Imposto de Actividades Económicas
- Copia do último recibo de pago da cota de autónomos vixente ou correspondente réxime da seguridade social
- Fotocopia carné manipulador de alimentos
- Fotocopia póliza responsabilidade civil en vigor

QUINTA: SELECCIÓN E CRITERIOS DE ADXUDICACIÓN DOS POSTOS.

21.- Unha Comisión de selección determinará as solicitudes de participación que cumpran cos requisitos nomeados nos anteriores apartados e seleccionará os participantes adxudicatarios dos postos que finalmente estarán presentes no evento.

A Comisión de selección estará composta polos seguintes membros:

Gloria M^a Prada Rodríguez –Tenente-alcalde do Concello de Monforte de Lemos.

Trinidad López Pérez – Axente de emprego e desenvolvemento local do Concello de Monforte

Carlos Rodríguez Fernández - Técnico de cultura do Concello de Monforte de Lemos.

22.- Criterios de adjudicación dos postos de venda, a selección farase tendo en conta os seguintes criterios:

- O produto de venda e as súas características de transformación do sector primario e/ou artesanal.
 - Produto preferentemente relacionado coa tempada de outono.
 - Evitar a excesiva reiteración dun mesmo produto nos diferentes postos, representando o maior número posible de disciplinas alimentarias.
 - Traxectoria profesional.
 - Calquera outro criterio que se considere interesante para o bo desenvolvemento da actividade.
 - A Comisión de selección dará prioridade ás solicitudes de vendedores/-as e produtores de Monforte e a comarca, sempre que se axusten aos criterios de adjudicación expostos anteriormente nestas bases.
- A Comisión rexeitará as candidaturas que non se axusten aos obxectivos do evento ou as que, por calquera motivo, sexan incompatibles con este.
- A decisión da Comisión non será susceptible de recurso.

23.- Con base nos criterios expostos, a dita Comisión propondrá a listaxe de adjudicatarios seleccionados e listaxe de suplentes.

Esta resolución farase pública para os efectos de notificación ás persoas interesadas, o día 31 de outubro 2023, así como calquera outra notificación ou requirimento, a través do Taboleiro de Anuncios do Concello e/ou na páxina web www.concellodemonforte.com.

No caso de que algún ou algunha adjudicatario-a seleccionado-a non poida participar, deberá presentar no Rexistro Xeral do Concello o correspondente escrito de renuncia, no prazo de dous días naturais seguinte ó da publicación da resolución final.

En caso de renuncia cubrirase a vacante con algún dos suplentes que mellor se axeiten aos criterios de selección antes expostos.

Unha vez comunicada a confirmación, o/a interesado/-a deberá ingresar a cota de participación no prazo de 2 días, requisito necesario para a validación da solicitude e enviar o xustificante de ingreso polo medio indicado ben sexa por correo electrónico ou por Fax.

No caso de non efectuarse o ingreso e a notificación sinalados anteriormente no prazo indicado entenderase como anulado do dereito de participación.

24.- Os candidatos/-as seleccionados/-as para participar no Mercado de Outono 2023 non poderán ceder a terceiros a súa posición baixo ningún concepto.

25.- Criterios de situación. A distribución e situación de cada posto de venda será competencia exclusiva da organización, axustándose ao espazo dispoñible para a realización do mercado a e tendo en conta as diferentes disciplinas, para que a súa distribución ao longo da mostra sexa o máis diversificada posible.

26.- Aceptación destas bases e motivos de expulsión. O envío da solicitude implica a aceptación de todas as cláusulas redactadas neste documento.

27.- O incumprimento de calquera dos artigos anteriores por parte das persoas participantes poderá supoñer a expulsión inmediata da Mostra, calquera dos días que se desenvolva, perdendo o infractor/-a o importe satisfeito en concepto de taxas, así mesmo correrán por conta do vendedor/-a todos os desperfectos que se ocasionen en instalacións e vía pública.



MERCADOS DE MONFORTE OUTONO 2023

SOLICITUDE DE PARTICIPACION NA EDICIÓN 2023 (4 e 5 de Novembro).

NOME E APELIDOS OU ENTIDADE					
DNI ou NIF	TELÉFONOS		CORREO ELECTRÓNICO		
ENDEREZO	N.º	LUGAR	CONCELLO		
CÓDIGO POSTAL	PROVINCIA		PAÍS		
ACTIVIDADE OU MODALIDADE					
PARTICIPOU EN EDICIÓNS ANTERIORES DE MERCADOS			Si	Non	
POSTO DE VENDA: Prezo: 6€/día /Solicitante					
DOCUMENTACIÓN ADXUNTA					
<ul style="list-style-type: none">- Fotocopia do DNI do solicitante ou NIF da empresa- Fotocopia de alta no IAE- Xustificante do último pago de autónomos vixente ou correspondente réxime da seguridade social- Fotocopia carné manipulador de alimentos- Fotocopia póliza responsabilidade civil en vigor					
NOTAS					
<p>1.- Esta solicitude está pendente de admisión. No caso de ser aceptada queda suxeita ás normas de participación.</p> <p>2.- A data límite de admisión de solicitudes é o 25 outubro de 2023.</p> <p>3.- A publicación da listaxe de admitidos/as será o 31 de outubro de 2023.</p> <p>4.- As solicitudes xunto coa documentación serán enviadas por correo ao seguinte enderezo postal: Concello de Monforte de Lemos- Rexistro Xeral. Campo de Santo Antonio, S/N- 27400 Monforte de Lemos (Lugo) Ou ben ao seguinte enderezo electrónico: emprego_pe@concellodemonforte.com. Tel. Información: 982884775/ 698181551</p>					
Monforte de Lemos,			de	de	Sinatura